



Gojgaeq Gou Caeuq Saw

我和书的故事

Mwh gou ndaej sam seiq bi, daxmeh cawx bonj saw dozveh he hawj gou, gou yawj ndaej gig haeujmaez, aiq dwg youq seizde, gou caeuq saw couh miz yienzfaenh gig laeg lo.

Mwh iq gou yawjsaw, cijdwg doeg daihgaiq, mbouj daj ndawde roxdaengz gijmaz dauhleix laeg. Mwh yawj 《Sihyouzgi》, gou yied yawj yied haeujmaez, daj ndaw saw fatyienh le hauilai doxgaiq mizyinx moq. Mwh dauq yawj baez daih-

ngeih, gou itmienh doeg itmienh naemj, dijei ok engq lai yinx-daeuz. Doeklaeng, gou couh miz cungj sibgvenq cau coenzvah ndei roengzdaeuj, neix doiq gou miz hauilai ndeicawq, doiq gou sij cozvwnz ndaej bang hauilai. Riengz dwk doegsaw yied daeuj yied lai, cozvwnz suijbingz gou hix daezsang haemq sang.

Miz baez ndeu, lauxsae hawj dou sij bien cozvwnz daezmoeg dwg 《Seizcou Daeujdaengz Lo》. Dang lauxsae doeg bien fanvwnz he le, daihgaya cungj doengzcaeuz sij ok “seizcou daeuj lo, mbawfaex henj lo, baenz mbaw baenz mbaw loenq daengz gwnz dieg”. Gou gag siengj, daihgaya cungj baenzneix sij, daiq mbouj miz eiqsei lo. Yienghneix, gou sijsaeq dauqngeix faenzcieng

gvendaengz “seizcou” gou doeg gvaq haenx, giethab gij gingniemh ndaw gwndaenj, vuenh cungj sijfap he: “Dahsau seizcou yamq dwk yamqdin mbaeumbwt daeujdaengz gizneix, baenz mbaw baenz mbaw, dawz seizcou mbaet roengzdaeuj, cuengghaeuj ndaw swx iq bae. Dahsau seizcou yungh genbuh de, cw ndit ndat, dangj rumz gyoet, dawz mak gva homfwd soengq hawj gyoengqvunz. Vunzlai cungj gyaenz de, gyaenz de mbwn’ gvingq rumz-liengz, gyaenz de gva hom mak van.” Yienghneix, cozvwnz gou ndaej hawj lauxsae dangguh fanvwnz youq gwnz ban doeg okdaeuj.

Gou rox, doegsaw sawj vunz cinbu. Gou itdingh youq saw buenx gou lajde mboujduenh majhung.

(haj nienzgaep Hau Bozdaz)



Laex Ngoenzseng

生日礼物

Caiq gvaq aen lai singhgiz, couh daengz ngoenzseng gou ndaej 9 bi lo, ngoenz he banngaiz, gou cuengghag ngamq ma daengz ranz, daxmeh riunyumnyum lwnh gou naeuz: “Swjyenz, vaiq daeuj yawj-yawj, daxboh mwngz geiq laex ngoenzseng daeuj hawj mwngz lo.”

Daxboh youq diegrog gizgyae guhhong, bingzseiz gig nyaengq, hoeng de mbouj lumz ngoenzseng gou gvaq.

Gou ganjgip cek doxgaiq bau gij laex haenx daeuj yawj, va, dwg aen habbit gyaendei he, gou angq raixcaix. Gienh saeh song ndwen gonq sawqmwh yienh youq baihnaj gou. Ngoenz haenx dwg ngoenz gaxgonq daxboh yaek liz ranz bae diegrog guhhong, de raen habbit gou gaeng gaeuqvaih lo, naeuz yaek cawx aen moq he hawj gou, gek baenzlai nanz lo, daxboh lij geiq ndaej, caemhcai youq yaek daengz ngoenzseng gou dangguh laex ngoenzseng soengq hawj gou, daxboh caen dwg boux vunz miz sim he ha, hawj gou gikdoengh dangqmaz.

Gou gyaenz aen habbit neix, engq gyaenz daxboh gou. Gou gag roengz gietsim, itdingh ndeindei hagsib, aeu cingczik ndei daeuj docih caeuq bauqdap daxboh gyaenz gou haenx.

(sam nienzgaep Cuh Swjyenz)

Bang Daxboh Gvaq Ngoenzseng

为爸爸过生日

Daxboh gou dwg boux caepranz he. Naengnoh de gig ndaem, gou rox haenx dwg aenvih de daengx bi youq rog ranz guhhong deng ndit dak cij ndaem.

Daxboh itcig youq gunghdi guhhong, mbouj miz geijlai seizgan buenx dou. Hoeng, cijaeu ndaej hoengq, daxboh couh naengh roengzdaeuj baenz yiengh baenz yiengh genjcaz cozyez gou caeuq daegnuengx, de miz seiz nyaeuq bwnda, miz seiz ngaek gyaenq, miz seiz riunyumj. Beizheiq daxboh gig ndei, mbouj doiq dou fatheiq gvaq. Daxboh hix gig miz naihsim, bungz

daengz daez cozyez dou sij loek haenx, de couh gig miz naihsim baez youh baez son dou, cigdaengz gou caeuq daegnuengx cungj rox bae.

Gou geiq ndaej, daxboh mbouj gvaq ngoenzseng gvaq. Bineix daengz ngoenzseng daxboh ngoenz haenx, gou caeuq daegnuengx laeglemx yungh gij cienz dou rom ndaej haenx cawx aen dangauh ngoenzseng he, lij bang daxmeh guh daiz byaek ndei gwn he, yaek hawj daxboh gingheij. Mwh haeuxcaeuz, daxboh daenj dauq buh cungj uq gienghsuijniz he



dauqma lo. Baez haeuj dou, daxboh couh sibgvenq ndwn youq bakdou duet geu buh uq de bae. Mwhhaenx, gou caeuq daegnuengx dawz aen dangauh, ciengq go ngoenzseng sawqmwh byaij daengz baihnaj daxboh bae. Gou yawjraen daxboh gyaengj youq lo, de yungh rengz nyepnyep aenbak, da cungj nding lo, gou siengj daxboh itdingh dwg gamjdoengh lo!

(sam nienzgaep Gauh Yijveih)

Yenz lauxsae lumj bingzseiz ityiengh, naj riunyumj byaij haeuj gyausiz, de baez yawj couh yawjraen aen cuzgiuz henz gyangdaiz, ndawsim de haengjdingh siengj: Boux giuzmaez neix ngoenzneix baenzlawz dawz aen baujboiq de cuengq youq gizneix ha? Yenz lauxsae yawj gyausiz mbat he, yawjraen Dangz Dahaij haen aennaj naengh youq gizhaenx, hauilai doengzhag hix gig gaenjcieng. De riu le riu naeuz: “Ngoenzneix dwg goq-cozvwnz, gyoengq doengzhag gaej gaenjcieng, cuengqsoeng di, cijndaej cungfaen dawzok gij siengjisiengliz swhegeij, sij ok bien cozvwnz ndei ndeu daeuj.”

“Yenz lauxsae,” Lij Cing ndwn hwnjdaeuj, “ngoenzneix mwngz hawj dou gag dingh daezmoeg cozvwnz ndaej lwi?” Yenz lauxsae gyaengj mbat he, riengz dwk riu naeuz: “Dangyienz ndaej ha.” Lij Cing ciepdwk gangj roengzbae: “Haxbaenh

sij cozvwnz cingzgingj

Ndaw Godangz Geqnaeuz

课堂上的倾诉

Dangz Dahaij caeuq Liuz Yenz vih cei q boiqfug boux lauxsae lawz cenglwnh, daezmoeg cozvwnz ngoenzneix couh sij ‘bouxvunz gou cei qingqboiq’, ndaej lwi?” Yenz lauxsae yawj laj gyangdaiz geijcib doiq lwgda cungj dwg maqmuengh haenx, yaeng’ yaeng ngaekngaek gyaenq.

Yenz lauxsae gangj gij iugouz cozvwnz le, giengzdiuh sij bien cozvwnz neix seiz, itdingh sij caensaed. Lij naeuz daj daezmoeg yawj, neix dwg bien cozvwnz sij vunz he, hoeng saedcae q dwg doenggvaq saehcingz daeuj fanjyingi moux fuengmienh binjci z boux vunz yaek sij

haenx, ndigah yaek sij saehcingz gidij di.

Gyoengq doengzhag rox gij neiyungz cozvwnz le, couh nyinhcaen naemj hwnjdaeuj. Mwngz yawj, Dangz Dahaij ngoenzneix mbouj najmbwng lo, youq gizhaenx buekmingh naemj dwk, de sij ndaej gig swnh, gyaenq hix mbouj ngiengx saek mbat, cij dingqnyi sing sij cih “sasa”. Duzroeg lij youq gwnz nyefaex rog cueng “cici caca” hemq mbouj dingz, Dangz Dahaij di ndeu cungj mbouj deng cauz daengz.

Dangz goq ndeu gvaqbae lo, dingzlai doengzhag daejgauj gaenq daj



ndei lo. Mwh hwnj dangz daihngieih, Yenz lauxsae naeuz: “Dangz neix raeuz sien dawz cozvwnz geij boux doengzhag daeuj gangjbingz mbat he, yienzhaeuh caiq gaij.” Vah Yenz lauxsae ngamq gangj sat, mbouj noix doengzhag yaengx fwngz hwnj, cungj maqmuengz doeg cozvwnz swhegeij hawj daihgaya dingq, fwngz Dangz Dahaij yaengx ndaej cei q sang.

(3)